

- (2) Za izdato uvjerenje se plaća taksa u iznosu od 10 KM.
- (3) Za potvrdu o pravosnažnosti ili izvršnosti koja se stavlja na sudski otppravak plaća se taksa u iznosu od 5 KM.
- (4) Ako se jednim uvjerenjem potvrđuje više činjenica, plaća se jedna taksa.
- (5) Plaćanju takse iz stava (1) ovog tarifnog broja podliježu i elektronski podnesci kao i svaki naknadni podnesak kojim se dopunjava ili mijenja prvobitni podnesak.

Tarifni broj 26.
(Taksa za punomoć)

- (1) Za izdavanje usmene punomoći pred sudom, za usmeno opozivanje ili otkaz punomoći pred sudom plaća se taksa u iznosu od 10 KM.
- (2) Za sudsku obavijest o opozivu ili otkazu punomoći plaća se taksa u iznosu od 5 KM.
- (3) Ako više lica ovlaštenih za potpisivanje pravnog lica izdaju punomoć jednom zastupniku, plaća se taksa za jednu punomoć.
- (4) Za izdavanje usmene punomoći po stavu (1) ovog tarifnog broja, plaća se jedna taksa i kad više lica istovremeno izdaju punomoć jednom ili većem broju lica.

Tarifni broj 27.
(Taksa za razmatranje spisa)

Za pismeni podnesak za razmatranje završenih sudskih spisa plaća se taksa u iznosu od 5 KM.

Tarifni broj 28.
(Takse za prijepise)

- (1) Za pismeni ili usmeni zahtjev da se izvrši prepisivanje sudskog akta, plaća se taksa u iznosu od 5 KM.
- (2) Za prepisivanje sudskih akata kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala taksa u iznosu od po 5 KM.
- (3) Za izdavanje prijepisa raspravnog zapisnika plaća se polovina takse iz stava (1) ovog tarifnog broja.
- (4) Za izdavanje transkripta audio zapisa plaća se taksa od 2 KM po stranici. Kao cijela stranica se svaka započeta stranica teksta u standardnom formatu.
- (5) Za izdavanje audio zapisa na CD-u plaća se taksa u iznosu od 5 KM.
- (6) Ako se istovremeno sudski prijepis ovjerava plaća se posebna taksa za ovjeravanje u iznosu od 5 KM.
- (7) Za prijepis raspravnog zapisnika koji je izrađen istovremeno sa sastavljanjem originala plaća se polovina takse iz stava (1) ovog tarifnog broja.
- (8) Pod prepisom se ne podrazumijevaju: fotokopija ili kopija, koja je preslikani original ili matrica, uključujući uvećanje i umanjenje, mehaničkim ili elektronskim presnimavanje, hemijskom reprodukcijom ili nekom drugom ekvivalentnom tehnikom kojom se precizno reprodukuje original.
- (9) Za fotokopiju ili kopiju plaća se taksa u iznosu od 0,5 KM po svakoj stranici.

Tarifni broj 29.
(Taksa za izvode iz sudskog registra i drugih javnih knjiga)

- (1) Za izvode iz sudskog registra ili drugih javnih knjiga koje vodi sud, ako se izdaju na zahtjev stranke, plaća se taksa u iznosu od 10 KM po stranici.
- (2) Kada je izvod sastavila sama stranka i podnijela ga sudu na potvrdu plaća se polovina takse iz ovog tarifnog broja.

Tarifni broj 30.
(Taksa za sudski depozit)

- (1) Za čuvanje (depozit) novca, stvari i papira od vrijednosti na zahtjev stranke, plaća se godišnje 1% vrijednosti, s tim da iznos takse ne može biti manji od 100 KM.
- (2) Taksa se plaća za svaku godinu unaprijed, a započeta godina računa se kao cijela.
- (3) Ako se vrijednost stvari ne može procijeniti po njihovoj prirodi, izvršiće se procjena od strane vještaka o trošku deponenta.

Tarifni broj 31.
(Taksa za protest isprava)

- (1) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja, plaća se taksa u iznosu od 5 KM.
- (2) Za protest isprave se plaća taksa prema vrijednosti, i to:
 - a) do 50 KM - 5 KM,
 - b) preko 50 KM do 500 KM - 25 KM,
 - c) preko 500 KM - 50 KM.
- (3) Ako se jednom molbom traži više protesta odnosno zamjena protesta, plaća se jedna taksa za molbu, ali se u tom slučaju plaća posebna taksa za svaki protest, odnosno zamjenu protesta.

Tarifni broj 32.
(Taksa za ostale upise)

Za podnesak koji stranka usmeno daje na zapisnik pred sudom plaća se taksa predviđena u ovoj Tarifni za odnosni podnesak.

Tarifni broj 33.
(Taksa za postupke pred arbitražom)

- (1) Za prijedlog stranke da sud postavi arbitra ili predsjednika arbitraže plaća se taksa u iznosu od 10 KM.
- (2) Za prijedlog o izuzeću arbitra plaća se taksa u iznosu od 10 KM.
- (3) Za sastavljanje potvrde o pravosnažnosti i izvršnosti i presude arbitraže plaća se taksa u iznosu od 10 KM.

Tarifni broj 34.
(Taksa za zahtjev za izuzeće)

Za zahtjev za izuzeće plaća se taksa u iznosu od 10 KM.

Na osnovu člana 12. stav (1) tačka b) i člana 18. stav (1) tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 08. jula 2009. godine, donijela je

ZAKON

O IZMJENAMA ZAKONA O PREDŠKOLSKOM ODGOJU I OBRAZOVANJU U KANTONU SARAJEVO

Član 1.

U Zakonu o predškolskom odgoju i obrazovanju u Kantonu Sarajevo ("Službene novine Kantona Sarajevo", broj: 26/08) član 68. mijenja se i glasi:

"Član 68.

(Prelazak na obavezno predškolsko obrazovanje)

- (1) Obavezno predškolsko obrazovanje za djecu u godini prije polaska u osnovnu školu u skladu sa ovim Zakonom otpočet će školske 2010./2011. godine.
- (2) U Budžetu za 2010. godinu će se planirati sredstva za stvaranje uvjeta za uvođenje obaveznog predškolskog odgoja i obrazovanja."

Član 2.

Ovaj zakon stupa na snagu osmog dana od objavljivanja u "Službenim novinama Kantona Sarajevo".

Broj 01-02-20944/09
8. jula 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka k) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), i člana 108. Poslovnika Skupštine Kantona Sarajevo-Prečišćeni tekst ("Službene novine Kantona Sarajevo", broj 12/05 i 7/08), Skupština Kantona Sarajevo, na sjednici održanoj 08. jula 2009. godine, donijela je

ODLUKU

**O PRIHVATANJU SPORAZUMA O PARTNERSTVU
IZMEĐU KANTONA SARAJEVO (BOSNA I
HERCEGOVINA) I PROVINCIJE GORICIJA, REGIJE
FRIULI VENEZIA GIULIA (REPUBLIKA ITALIJA)**

I.

Prihvata se Sporazum o partnerstvu između Kantona Sarajevo (Bosna i Hercegovina) i Provincije Gorica, Regije Friuli Venezia Giulia (Republika Italija).

II.

Ovlašćuje se premijer Kantona Sarajevo gosp. Besim Mehmedić da u ime Kantona Sarajevo potpiše ovaj Sporazum.

III.

Ova Odluka objavit će se u "Službenim novinama Kantona Sarajevo".

Broj 01-05-20948/09
8. jula 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav 1. tačka m) Ustava Kantona Sarajevo ("Službene novine Kantona Sarajevo", broj 1/06, 2/06, 3/06, 16/07, 14/00, 4/01 i 28/04) i na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgradama brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo, na sjednici održanoj 08. jula 2009. godine, donijela je

ODLUKU

**O IZMJENI NAZIVA DIJELOVA NOVOPAZARSKJE
ULICE NA PODRUČJU OPĆINE NOVO SARAJEVO**

I.

Na području općine Novo Sarajevo Novopazarskoj ulici vrše se izmjene naziva dijelova i to:

1. Ulica Novopazarska 129. i dalje u novi naziv, "Ulica 10. maja";
2. Ulica Novopazarska 143. i dalje u novi naziv "Ulica Dolina mira";
3. Ulica Novopazarska 161. u novi naziv "Ulica Kanara";
4. Ulica Novopazarska 167. u novi naziv "Ulica Mahmuta Mahmutovića".

II.

Nadležni organ uprave Općine Novo Sarajevo dužan je da u što kraćem roku izvrši obilježavanje ulica, a kantonalni zavod za planiranje razvoja Kantona Sarajevo dužan je uvrstiti u registar ulica i trgova nazive ulica iz tačke I ove odluke.

III.

Ova Odluka objavit će se u "Službenim novinama Kantona Sarajevo".

Broj 01-05-20949/09
8. jula 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 8. jula 2009. godine, donijela je

ODLUKU

**O DAVANJU SAGLASNOSTI NA PROGRAM RADA
KANTONALNE UPRAVE CIVILNE ZAŠTITE ZA 2009.
GODINU**

Član 1.

Daje se saglasnost na Program rada Kantonalne uprave civilne zaštite za 2009. godinu, koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-20952/09
8. jula 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa i organizacija ("Službene novine Kantona Sarajevo", broj 30/08), direktor Kantonalne uprave civilne zaštite donosi

PROGRAM RADA

**KANTONALNE UPRAVE CIVILNE ZAŠTITE
ZA 2009. GODINU**

I. UVOD

Djelokrug rada Kantonalne uprave civilne zaštite (u daljnjem tekstu: Uprava), kao samostalne kantonalne uprave, utvrđen je u članu 21. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08), kojim je propisano da Uprava vrši upravne i stručne poslove utvrđene zakonom i drugim propisima, koji se odnose na ostvarivanje nadležnosti Kantona Sarajevo (u daljnjem tekstu: Kanton) u oblasti zaštite i spašavanja i poslove inspekcije civilne zaštite.

Poslove i zadatke iz svoje nadležnosti Uprava obavlja u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06 - u daljnjem tekstu: Zakon o zaštiti i spašavanju), drugim zakonima, propisima i općim aktima.

Prioritetan zadatak Uprave u 2009. godini biće usmjeren na dalju izgradnju i doradu sistema zaštite i spašavanja ljudi i materijalnih dobara od prirodnih i drugih nesreća na području Kantona sa osnovnim ciljem na organizovanju i uspostavljanju sistema civilne zaštite koji će moći u svim segmentima uspješno funkcionisati, odnosno obezbijediti izvršenje zadataka zaštite i spašavanja na području Kantona i u najslabijim uslovima rada i njegovo uvezivanje u jedinstveni sistem zaštite i spašavanje Federacije Bosne i Hercegovine.

U skladu sa prethodno navedenim ciljem, Uprava će kao osnovni nosilac stručnih poslova u oblasti zaštite i spašavanja u Kantonu, svoje djelovanje usmjeriti na izvršavanje slijedećih poslova: